

湘綺樓日記

(一)

出版前記

編輯叢書以保存及流傳資料，在中國已有七百六十餘年的歷史。

在這悠長的歲月中，歷代刊行的各種叢書號稱數千部，其中個人詩文集約占半數，內容割裂實際不合叢書體例的又居其餘之半，其名實相符者仍有數百部；即經過商務印書館再三精選後刊行的「叢書集成」，內含各種叢書也有一百部之多。這在中國出版界真可說是洋洋大觀，對於促進歷史文化的研究與發展實在有難以形容的價值。

但在這樣龐大的數量中，使用「史學叢書」名稱的却只有清光緒年間廣東廣雅書局的一部。

事實上：歷史學在中國是發達最早的一門學問，二千餘年來連綿不斷地繼續發展，並且隨著時代演變更新進步。在世界文化史上，中國史學真可說是一枝獨秀。近年以來，中國歷史文化的研究成爲世界各國學術界一時風尚，中國史學先哲前賢的珍貴而豐厚遺產，更受到舉世的重視和尊敬。惟其如此，我們自然可以堂堂正正高舉中國史學的大旗，這就是本叢書命名的由來。

中國史學的範圍非常廣泛，要想在這一部叢書中包羅萬象，是事實所不許；今惟有在適應當前中外學人的普遍興趣以及編者個人學識能力的原則下，決定一個方向，就是以明清史料作本叢書選輯的優先對象。

至於史料的選擇取用，主要原則在「實用」與「罕見」，由編者綜合若干有關專家學者的意見而後

決定；是這樣地集思廣益，應該可以適應一般需要。

對於史料的形式，也就是版本，儘可能選用初刻或精刻的善本，在「罕見」的原則下自然更注意搜求手寫稿本。

印刷方法是完全按原版影印，不加描摹，因為此時此地印刷廠沒有描摹的人才；並且爲適合國內多數學人的購買能力，對於許多卷帙浩繁的書籍是採用縮小影印方式，以減少篇幅降低成本。在技術上也無法描摹。至於罕見的手寫稿本則儘可能地按原書大小影印，以便閱讀。

選印在本叢書內的每一史料也就是每一部書，編者都儘可能地約請專家學者撰寫序跋，指陳其價值或版本異同，中外學人當可一目瞭然其書內容大要。

儘管在編印體例上有若干與衆不同的改進，但一定還有許多疏漏的地方，希望海內外方家多加督責，以便隨時更新。

朱相湖

中華民國五十三年十一月十二日於臺北市

湘綺樓
日記

丁卯十月殿揚署端

湘綺樓日記目錄

第一冊 同治八年己巳

第二冊 同治九年庚午

第三冊 同治十年辛未

第四冊 同治十一年壬申

第五冊 光緒元年乙亥

第六冊 光緒三年丁丑

第七冊 光緒四年戊寅

第八冊 光緒五年己卯

第九冊 光緒六年庚辰

第十冊 光緒七年辛巳

第十一冊 光緒八年壬午

第十二冊 光緒九年癸未

第十三冊 光緒十年甲申

第十四冊 光緒十三年丁亥

第十五冊 光緒十五年己丑

第十六冊 光緒十六年庚寅

第十七冊 光緒十八年壬辰

第十八冊 光緒二十年甲午

第十九冊 光緒二十一年乙未

第二十冊 光緒二十四年戊戌

第二十一冊 光緒二十六年庚子

第二十二冊 光緒二十七年辛丑

第二十三冊 光緒二十八年壬寅

湘綺樓日記 目錄

一

第二十四冊 光緒二十九年癸卯

第二十五冊 光緒三十年甲辰

第二十六冊 光緒三十二年丙午

第二十七冊 光緒三十三年丁未

第二十八冊 宣統元年己酉

第二十九冊 宣統二年庚戌

第三十冊 民國元年壬子

第三十一冊 民國三年甲寅

第三十二冊 民國四年乙卯

光緒三十一年乙巳

光緒三十四年戊申

宣統三年辛亥

民國二年癸丑

民國五年丙辰

湘綺樓日記 目錄

二

湘綺樓日記

同治八年己巳

初四日大雨讀漢書一卷得張東野先生書言清泉志列女事程商景茂才書言刻桂陽志事均二十五日發天雨向暮無聊假寐遂至戊正起旋就寢

初五日晴午後渡蒸水至對屋王宅旋歸與兒女攤錢至亥罷覽漢書二卷未點班氏以充與劄通同傳貶通大過江充自請使匈奴而以點橫敗余請使英吉利得無過乎

初六日早晴日辰微雨早飯與十子論語語聖人所無可如何者有四一飽食終日二羣居終日三不日如何之何四法語不從異語不釋因及周公選殷頑民此數者皆無顯過可摘然聖人無如何足以困聖人者此類人也易笏山每作日記輒記過自責日日有過日日自責亦近頑矣

湘綺樓日記 同治八年己巳

覽漢書一本未點心頗憚勞也論周仁瀨袴事頗合訓義夜至戌寢

今因懶惰也

初七日寒雨讀賈誼傳誼王佐之才也直以庸臣見識用其言而棄其身班氏以誼未為不遇發憤之詞耳至以五餌之術為疏謬矣又誼陳政事在見讒之後而今世論者譏其躁進尤為巨謬也是日點漢書半卷

鬚髮

初八日雨水晴寒點漢書半卷梁孝王欲得容車之道自梁屬長樂宮以朝太后此英吉利火輪車道始見於史傳者也午間常儀菴來因肩輿出拜常文節墓歸留儀菴及其弟晴生從子漢桃午飯觀衡陽諸生揭

告程春甫擅王志事其詞頗條條蕭圖權筆也申刻儀菴去戊正寢

初九日晴暮雨點漢書半卷論董仲舒不及賈生其三對汗漫而無實徒儒而已午至石門觀上水船上瀨觸破一船晚歸放馬遇雨幾濕衣至

亥寢

初十日雨點漢書兩卷論戾太子真叛逆昌邑王非大無道趙充國屯田乃奪羗人業及諸葛鄧艾皆屯敵入田平世無屯屯法又考證制義數處甲夜常元卿來送其家集二卷留宿東齋至亥罷寢

十一日陰晨至帝氏塾觀李子彝處遺書與儀安告之使往詰問盜葬之故點漢書一卷魏相表陰陽月令言高帝述書讖天子春夏秋冬所服孝文帝時以二月施恩惠於天下賜孝弟力田及罷軍卒祠死者頗

非時節朝錯奏言其狀願選明經通知陰陽者四人各主一時以和陰陽李尋奏哀帝言朝廷忽於時月之令諸侍中尚書近臣宜皆令通知月令之意設羣下請事若陛下出令有誤於時者當知爭之以順時氣

此漢人月令之政未廢之驗也王莽春夏斬人而論者知其將亡魯恭傳亦詳載恭疏以盛夏斷獄為非行所當行豈不順時猶足致災况今

湘綺樓日記 同治八年己巳

世以來月令久廢政事隨心日食類數不亦宜乎魏丙賢相魏主安靜丙持寬大丙似勝也考工戈矛為慮事漢少府有若盧令漢舊儀以為

主治庫兵即此盧也晚觀非女作詞至子癡十二日陰晴點漢書一卷王尊傳尊張禁酒趙放晉灼云作竊作酒之家

食貨傳又云箭張湖三老公乘與訟尊以為長安大猾實禹有田百三十畝而云無萬錢之產匡衡取穀千餘石廷尉奏直十金以上一金萬

錢千錢十石百錢一石其大數也然衡多取田四百頃而止收穀千餘石則一頃不過數十石租賦輕矣班氏書少所刺讓而獨張禹傳徵文可尋至謂其少好立卜相旁為相聞天子疾輒露書筮其吉凶云云禹之鄙陋如見頃者胡文忠用邢星樓周笠西文咏吾世或讎為皆實卜測字之人如禹者其流耶夜擲鼓至亥寢

十三日大晴出游山中還點漢書一卷朱博傳復有闕字未補杜邾

張敞外孫從舅吉學得其書吉子棟鄰外弟也又從鄰學鄰子林亦有
雅材楊季官廬江太守至雄五世而傳一子故無他楊於蜀雄死而無
子蜀楊氏絕矣後人以草書楊作揚遂以爲非楊姓又改左氏傳靈楊
韓魏之字作揚以其獨一家也晉灼注漢書引張衡云雄爲楊食我之
後反以雄自敘范中行氏倡楊侯爲誤因謂其譜謀疏謬後世儒者與
人子孫爭言其父祖之事反云其子孫不知而爲駁正焉往往如此不
足聽也雄之爲文艱深屈奇自喜耳猶在王褒之下而世以好奇竟久
得名至今傳之朱熹尙以爲儒宗而攻擊焉何作僞之易讎也日側與
妻共和勻藥泥昏時假寐至三鼓時起大月濯足

湘綺樓日記

同治八年己巳

三

十四日雨點漢書一卷黃霸入錢賞官後免復入數補吏此捐班捐復之
祖也然稱循吏爲宰相捐班中大人貨殖傳歲萬息二千二分利自
秦始戶租二百一畝收一鍾六斛四斗今畝收毛穀五石明矣古量一
斗爲斛今一石也漢畝大於今畝之驗百二十錢也今豐年穀或一百
許錢亦相近矣答布千石今搭連布也淡乾魚爲饋許員外孫有郭解
午後鄉人餽燈來三十餘人迎布龍留飯而去鬻髮
十五日陰感寒至午後起鄉人餽凡三輩來其一輩侏儒獲雜未令人門
晚嗣 羣神至子丑時月出其夜壯熱
十六日陰疾倦至申方起一食猶一盤點漢書半卷何奴傳論和戰一端
既謂夷狄獸心不可以理義法度論而又欲使曲在彼譬如與大羊鬪
而使大羊負曲名欲其不我抵牾不可得也郭鶴仙最好班氏此論以
爲得制夷之要謬矣嚴本 尤詒事王莽何知大計謬言三策棄內役
外今猶踵之自漢以來爭以治夷爲患何其闕治體耶戊刻啗包子三
枚月出復眠

十七日晴點漢書一卷王章上書攻王鳳而欲立定陶王達帝一時終犯

其忌其死非不幸禮合德自殺不對狀後乃謚成其殺子非信史也王
船山以耿育所奏爲非謬矣船山論史徒欲奸人所惡人所好自詭
特識而蔽於宋元明來鄙陋之學以爲中庸聖道適足爲時文中巨手
而非吾述之才矣夜亥歸寢

十八日晴點漢書一卷凡廿六卷皆點畢王莽捕獲黨王孫慶使太醫
尙方與巧屠共剝割之量度五藏以竹筵導其脈知所終始云可以治
病此英吉利剖視人之法所始見於史傳者也午間常耕臣來留東齋
十九日陰陪耕臣出游至夏家營見王蔭堂茂才葆澄之父也留酒出至
塘灣見賀赤軒茂才及其弟留酒頃之赤軒父金灘歸留飯甚歸至亥
寢王莽傳事怪譎至多尤奇者地皇元年閏月丙辰詔書赦天下並除
民喪服是歲莽妻喪天下大服除之因除民父母喪服古今敕令所無
也

湘綺樓日記

同治八年己巳

四

二十日陰王莽傳嚴尤陳茂敗昆陽下書至沛郡誰自稱漢將聞故漢鍾
武侯劉望聚眾汝南稱尊號建武四年夏尤茂降之十餘日敗十月更始
軍於汝南是日蒸煖至夜微雨旋止至戌寢功兒讀士喪畢
二十一日陰曉雨午晴耕畢去讀後漢書一卷班固爲漢報使匈奴班固
傳
其人宜有文采賦詠而今無聞焉焉帝以十二月立方生百餘日明年
八月崩計正滿歲而史云二歲則古不作周辟也鄂后策命安帝初稱
侯末乃稱皇帝册帝文始見於此可以爲式湖南僻遠而東漢官位最
盛臨湘祝良字邵卿劉壽字伯長當順帝時同時達官良以選爲九真
大守史爲數語記其事由光祿助爲司徒五年乃罷漢書
班固傳遂無聞焉靈帝初長沙劉翥爲司空翥字重寧善書子性在位年
餘罷前書令昭后受經後鄂后臨朝亦詔劉珍等五十餘人校傳記奏
御身從曹大家受經書鄂后作僞以終其身而竊賢名范史傳之有微

官矣是日兩兒倍書三篇計十子鈔書五日得十五葉比去年日少一葉也夜又讀漢書一卷鈔莊子一葉

二十二日雨寒讀漢書二卷隗囂儒生負賞欲傾擾於兵間然名望久著漢終不能禽也子元請丸泥封關而降為縣令遷國相坐死何昔今之殊勢乎世祖亦儒生標置一失於邯鄲杜威再失於彭寵又諳諛躬而乘其敗故石勒輕之開國御雄宜有大略寇榮亡命上書其詞切直佳

文也桓帝庸主何能相容是日十子鈔書四葉次女桂窻入學初字二十三孝典讀禮記六十子鈔莊子一葉吉來讀禮經鄉射篇不熟遂至一日夜慶來地官亦生非讀長門賦二百字至戊癸

二十三日驚蟄申雨雷讀漢書二卷岑彭吳漢攻荆門留夷陵裝露機船蓋今三板船也清野之說始於陳俊俊攻五校賊於漁陽將輕騎出賊前掠民放散在野者民乃堅守賊無所得此身自為賊耳竇憲弟瓌徒

湘綺樓日記 同治八年己巳

五

封羅侯葉棠兄弟過長沙迫令自殺馬援始從隗恂為質而留上林中不得試用於後屢請自效乃卒以進壺頭被讒言帝之輕援以其二心耳朱勃上書獨明其冤言詞伉直深厚其所學殆十倍於援而史稱馬况言勃小器援貴乃卑侮之嗟夫援一熱中好事之人烏能與勃比哉是日諸子工課粗畢兩兒書不熟夜鈔莊子一葉大雷雨戊初止咳初乃癢

二十四日晴寒讀漢書三卷杜詩請罷郡以讓功臣知今事平而奪軍功督撫者不可以勸光武之起諸將皆盜賊餘習以劫掠為事帝非惟不禁且頹維之不讀桓譚疏不知其弊也譚以賢薦而用新聲娛主故帝輕之不用其言然可謂直臣矣彈琴小節無累倘儉之士馮衍好亂阻兵勢窮乃降亦廢棄終身比譚為幸矣是日兩兒課稍早畢非女作水仙詞作書與水師廖副將請其買糖鈔莊子一葉

二十五日陰晴讀漢書二卷胡伯始引證大體甚有相度以中庸見識亦為苛矣若容身保位之臣未能有其通識也張敬徐防亦無顯過范史以刺鄧后錄為庸臣以勸風節孔子所謂為法受惡者歟袁安正議侃

侃累折竇氏可謂大臣矣張譚字季直韓稜字季英並觸權貴然申其志後歷公卿東漢節義斯乃效矣彼鈞黨朋狂何足重乎西漢論政學者皆對策上書足以裨治東漢王符崔寔仲長統諸儒動作數萬言以誘民俗則著書自任其文必騷范史載之未為通識矣申屠子龍外黃人為漆工七辟不就挂書樹上初不顧盼先見黨禍絕迹梁錫因樹為屋自

同傭人閩運無斯人確然之操而好立名譽讀其傳庶幾高山仰止之思云林宗康成迹易幾耳是日兩兒課不如程王蔭堂來少坐去夜眠至且乃復寢非女始鈔公羊成公

二十六日陰夜雨午間出放馬僕言客至歸則常吉人在焉竟日談言道

湘綺樓日記 同治八年己巳

六

光中監司之貴州縣傾動所以召亂也然州縣今輕大吏亦非治徵晚與吉人談忽發寒噤歸癡頤之愈諸兒罷學一日

二十七日陰午初吉人去讀漢書四卷馬融以飢寒附鄧氏得官仍申伉直及忤鄧仲梁再廢幾死然後改節以終富貴女樂紗帳年至薈期天之勸惡沮善如此邪左伯豪限年以舉孝廉至陋之議也然陳蕃李膺陳球均以此選永嘉蒙法察選清平又奏十二歲通經者謝廉趙建為童子耶而博士向學觀雄之舉措分學與政為二以收一時之效耳然限年舉人不足以示天下又用巧辭以詰徐淑雄為失議矣陳寔稱賢久矣觀其受污殺人而託召揚吏名在外署聞黨而事君以詒獨弔張讓身為媚首矯性欺人誠無取焉聖人惡鄉原誅聞人其在是乎不然何以致三公之屢讓三萬人之赴弔耶李固治郡聞方略前後所陳亦見政體然立帝遇弒不能推問便可知難而止何頗復為三公與梁

氏暨子同早身死家破賢女所爲歎太公也郭亮字童子夏門亭長誠賢士乎吳季英史公謙不畏強禦季英遂移壽考八十弼乃受誣以免祐爲優矣涼州三明皇甫求試輒效其亦遇時成其名耳陳蕃王允同傳范氏之見也楊政劫見馬武足快貧生之意然列於儒林不亦忝乎昏登後園悽然有懷諸兒課粗舉至戊癸夜雨

二十八日陰晴得儀安及葉麗山書閱漢書三卷皆方技四夷略載其迹不及前書精密范論方技有書詞又言西域當奉佛則習氣所爲也鈔莊子一葉

後漢書郡國志零陵郡重安侯國故鍾武永建三年更名蒸陽侯國故屬長沙長沙郡雒陽南三千八百里三當作一以江夏郡在洛南千五百里長沙去江夏九百一十里得二千四百里耳或以湖險加之或計長沙邊鄱茶陵等地耶或者八百里八字亦誤當作五也長沙郡鄧湘湘綺樓日記 同治八年己巳 七

東記曰縣西南毋山周回四百里荆州記曰鄧湖周回三里取湖水爲酒酒極甘美是夜繡後漢志四卷

二十九日雨鈔莊子一葉改鈔一葉第五篇注成閩三國志魏本紀二本武王奉帝許昌而已郡郡著魏桓文之迹耳不朝會而執國權無所不可惟以殺伏后爲謬以孟德之明智乃快意於婦人以恣其惡而犯天下後世之譏亦何心哉荀彧諫其受九錫正爲此也大勢已成雄心自驕宜其受趙宋以後數百年之辱詆矣朱晦翁者殆荀文若之轉世邪子桓雅人受禪而愧見舊主設壇而自匿封後以爲終死諡生事緯乎有禮篡臣之僅見也直以不幸遇趙宋學究乃父子蒙惡如此人言亦可長至今儒生羞稱焉晚坐觀船山雜說及其所作北曲書謝小娥事懷憤懣懷獨至子正乃寢是日鬚髮

三十日雨讀三國志一卷田豫克敵而程喜懸以放散珠金以明帝愛珠

故也江寧之克朝廷未求金帛而曾氏上言一無所有豈藏珠而有愧心乎是立言之謬也牽招繼孫田豫守西邊亦有時名曹繹以白衣登江上與書孫權以通京師魏文詠之偉之求賂可謂異矣王昶坦之高祖也晉陽人渾之父後爲名族和字文舒論考課以爲當責違官比京氏遠矣彥雲甥舅並典兵淮南鍾士季母張昌蒲以妾擅寵至出其嫡死爲命婦亦侈矣然其才德蓋有可稱士季以密謀帷幄一出而滅蜀遂驕矜狂在愚亦可怪也觀其起事而盡防諸將軍有濟平姜維從之鄧士載謂爲雄兒亦有愧矣夜雷非女讀士喪畢

二月初一日癸卯陰未後晴點魏蜀志各一卷觀陳氏敘次誠非佳史而後頗推之以其所采詞采猶近古耳史才不易何容濫予人名若以鄙人乘筆爲之當不在范班之下因慨歎久之又作大宗師序一篇夜與臆緹坐至亥乃寢

湘綺樓日記 同治八年己巳 八

初二日早霧辰刻大晴點吳志半卷衡陽之名始於吳孫亮太平二年魏即六年三月二月以長沙西部爲衡陽郡東部爲湘東郡孫皓天監元年魏元二十五年湘東太守張詠不出算縉就斬之徇首諸郡夜點吳志一卷食包子二枚至亥寢十子鈔修書畢

初三日大雨雷點吳志一卷凌統傳見本縣長吏懷三版恭敬禮則今見尊長用三帖自漢始矣作重安長舒雙傳吳諸將以領兵爲世祿領兵之致富也久矣僞古文尙書起於東晉而陳壽蜀志先主上言用惡直醜正實繁有徒吳志駱統上疏引衆非后無能胥以寧后非衆無以辟四方又陸抗疏引與其殺不辜寧失不經知當時儒生潛用王鷹僞文竄易吳臣章疏以求讎其技也本朝諸儒未見論及此者富以問諸老生夜觀律歷志仍不能解方將從師學之鈔莊子一葉功兒課不如程

初四日雷大雨點吳志一傳三國志舉點諸葛恪別傅母之於女穿耳附珠何傷於仁魏都賦鑢耳之傑注引山海經曰青要之山馳武羅司之穿耳以鑢郭璞曰鑢金銀之器蓋外夷始穿耳而山海經所見神已穿耳也莊子曰爲天子之諸御不穿耳又陸允傳華覈稱允內無粉黛附珠之妾則周末猶以穿耳爲恥漢末乃以穿耳爲美矣初二日宵女穿耳云龍撞頭日宜穿耳因爲考之桓彝桓階之弟孫琳廢其主亮彜爲尙書不肯署名琳怒殺之階祖父超歷典州郡父勝復入爲尙書者名南方階四子皆關內侯長子祐早卒弟嘉嗣尙公主封高鄉亭侯子翊階弟纂故騎侍郎階孫陵字元微有名於晉至榮陽太守呂蒙爭南三郡過郵載南陽鄧元之元之零陵太守郝普之舊也蒙言破樊水屯救郵逆爲孫規所破破樊著蜀將督之號是夜欲鈔莊子未成即寢

初五日陰雨鈔莊子一葉檢王船山遺書校其目錄舛誤者數處沉浦請湘綺樓日記 同治八年己巳 九

諸名人校書而開卷繆誤故知著述非名士之事也船山學在毛西河伯仲之間尙不及閻伯詩顧亭林也於湖南爲得風氣之先耳明學至陋故至兵起八股廢而後學人稍出至康乾時經學大盛人人通博而其所學者或未能沈至也至今道將明矣然天下不嚮學滋甚恐未能如明季可不勉哉夫道不可談談道自戰國始至五代極亂而宋儒失師傳乃始推佛經中六朝文士之戲言以求於周孔以爲聖人之道不可淺近故趙宋元明諸人狂鷲爲至國朝而始厭之乃求漢人訓詁而猶未悟道學之非道也余尋佛老之言見僧祇律而後知佛經之所言微妙不可思議之法皆非其本因而求之莊子內篇而後知佛經之枝流乃莊子之波及又求諸莊子之本而後始知知之不可談談則必非道也於是始悟宋儒之所以深求聖人者誤於佛經佛經之所以虛無者誤於不善讀莊子故作莊子七篇解以明聖人不言性與天道之意

而千古儒墨之是非定矣嗟夫人苦不思耳思之則諸疑早釋不待智者而宋人之蔽塞聰明自陷異端獨何爲哉師法廢而以訓詁爲淺近實功廢而以虛無相崇高與戰國之簧鼓等弊也然而天下之治亂初不以此等輩千百儒生而有所異同者則道本非談所能明亦非談所能晦也而孟子乃曰能距楊墨聖人之徒蓋亦非孔子之意矣

初六日社日陰重閱晉書帝紀兩卷作五贊晉武以荒淫而延祚元帝寬大之報也衡陽內史陳育死寇難簡文帝咸安元帝放新蔡王晃於衡陽西十一月初薦郵縣涿酒於太廟十一月宣夜之書記自漢祕書郎郝萌云先師相傳天了無質日月衆星自然浮生虛空之中其行其止皆須氣焉七曜無所根繫故伏見順逆無常也此今日西法自謂秘妙確測者不知其爲宣夜也虞喜作安天論諱附晝夜而以爲天確乎在上地魄焉在下葛洪又以無天譏之處既不通晝夜洪又不知本無天皆湘綺樓日記 同治八年己巳 十

謬矣鈔莊子一葉食包子一枚疑著書研爲豐所破初七日晴陰閱晉志一卷出游攜孝與二女兩兒泛舟歸有詩衡陽郡統縣九戶二萬一千重安丞陽湖東郡縣七戶一萬九千五百郵臨蒸四縣皆衡濟地也鈔莊子一葉又補初四日一葉

初八日春分中陰晴出游攜茗茶兩女雙兒宵不能行呼六雲迎之歸寢緜不喜也閱晉志三卷律歷不能明也王船山譏陳臥子三月而舉二十四史以爲置諸志不觀宜其迅疾難然不明占候推步則觀之三年亦猶一覽耳誠早通之何不可一日而了故知船山語似精而粗昨多寫莊子一葉今午倦小眠醒讀書畢已暮酉正寢

初九日陰雨寒鈔莊子二葉讀晉志二卷魏明制天子服刺繡文公卿服織成文織成今刻絲也今刻絲絳於刺繡又過江冕珠無美玉順和奏用白璇珠蓋今機料前冕飾有翡翠珊瑚珠則因魏明婦人之飾可

怪甚矣五百者卿行本應五百人從以數人代之名曰五百耳是日鬻髮夜大雷雨甚寒亥正寢

初十日寒陰白桃花落一朵僅存五朵矣鈔莊子二葉晉后羊氏五廢而配二主躍勝於惡不虛也褚蒜子經六帝四隨朝年六十一耳何法倪哭大廟羊氏何可同日語乎孝武太后李陵容以崑命而召幸由相法貴相之可惡如此謝安選王蘿女而適得嗜酒驕妒之后以配孝武王庸女配昭而有名德後為太后楊芷上表子婦稱頌妾卒絕食而死作晉書四贊閣一卷

十一日雨寒常季鴻來聞季少荃已至鄂晉任吳鄂中流之重鎮若得雅望鎮之從容持威其地絕勝鈔莊子一葉閔晉書一卷新蔡王司馬騰以惠帝時迎駕於鄴封子確嗣無子以汝南王祐子邈嗣邈子晃拜散騎侍郎桓溫廢武陵王遣其弟暹晃自列與武陵謀反免晃為庶人徒湘綺樓日記 同治八年己巳 十一

衡陽死孝武帝立晃弟崇嗣爵衡陽太守淮陵劉翼斬湘東太守鄭僧應讓平承李重江夏鍾武人孫冠為本國中正計當晉初地理志江夏無鍾武蓋漢時改鍾武入江夏以鍾武為重安是夜雷電

十二日陰寒閱晉書一卷非問易傳曰易之興也其於中古乎作易者其有憂患乎文王演易孔子不容不知云云者何答曰此言易之用盛於中古太古以前民氣樸質人少憂患無所用防變慮禍之道也文王聖人親遭大變故為民法作象象之文以德為本然後民知險阻耳作者使平易者使傾明天道自然福謙禍盈也爾雅難未成曰德國策六國之不可合猶健雞之不可俱止於棲喻小弱也鈔莊子一葉至戊癸十三日陰寒得儀巷昆仲書長工周敬本來鄉人來言渡船事允捐十千鈔莊子一葉縹緇以愁疑妾妾橫不服欲反鬪余視之不可呵止遂不問也然室中聲震天食頃止閱晉書一卷見新燕

十四日雨陰寒閱晉書一卷吾彥領交州重餉陸機兄弟此送同鄉官別敬之始也馬隆以三千人平涼州此今日攻雲貴陝甘之所宜諸兒課粗畢鈔莊子一葉哈包子一枚至亥寢

十五日陰晴寒閱晉書半卷前所作晉書傳贊昨檢失之殊快也若早知失去必不作前贊矣鈔莊子一葉喫酥餅亥寢六雲二日未見女君亦徐聽之午出試馬

十六日晴

先考忌日素食鈔莊子二葉第六篇注成慶來作賭具與其兄受答十賸孝與以激為瀆孝與受答同學皆不直十也至午又私出欲捷之以無益而止海棠始開夜獨坐至三鼓出看月二鼓時有盜撬門入及余出時門已虛掩余見其未扇為扇之及寢盜從窗入登余牀旁椅子開箱未得佳物復至側室余是夜宿焉乃開箱取八衣而去遺一羊裘未及湘綺樓日記 同治八年己巳 十二

收也六雲醒乃知之天已明蓋十所勾引也

十七日大晴早遣人詢盜蹤迹仍少睡至辰正起作詩贈盜云 犬吠花村月正明勞君久聽讀書聲貂狐不稱山人服從此裏衣便耦耕 囊橐曾行萬里來海波烽火不能災多應錯認長源宅便欲催登宰相臺

罷舞霓裳越七春空箱問疊縷金裙世尸娘母皆衣錦何必西施不負薪六雲謂羊裘珍重與嚴光好去持竿大澤旁兒說金環須剪髮不妨留壓嫁時箱無所失也一辰刻王蔭棠來午間作書與春甫遣

在和去未間書與儀菴遣敬本去申刻騎至查泥塘待蔭棠入徐店見一郭姓言語容貌無非盜也與之約宜送來還我遂縱之去初夜歸至亥寢

十八日晴陰閱晉書一卷著作郎陸機上疏曰前蒸陽令郭訥風度簡曠器識朗拔通濟敏悟才足幹事訥歸家巷樓邊有年可太子洗馬舍人

云云蓋吳時令也陶侃都督江州領刺史以范逵子珧為湘東太守逵為孝廉過侃侃母翦髮易酒肴者也侃顧子闕方直有父風歷衡陽太守莊子方送城裝訂故未鈔書

十九日晴閱晉書一卷周備回得儀安兄弟書王葆澄來徐店婦服毒死遺十視之此婦以異鄉孤居見其夫匪人憤懣而死余不能料也一出而殺一人其子又甫三月可哀也已因命徐甲善養其子每月予以乳

資鈔穀梁三葉至酉癸

二十日大晴閱晉書一卷韓伯子珍為衡陽太守伯字康伯潁川長社人母殷氏高明有行王敦頗處譚為湘東太守以禦杜改譚以疾辭王彪之傳簡文命殿中侍御史奚朗補湘東郡彪之曰湘東雖復遠小所用未有明比較者謂頗兼卜術得進未足充此選孔伋恬為吳湘東太守有名江左會稽山陰人鈔穀梁三葉齊賁楚曰菁茅不至周室不祭言楚湘綺樓日記 同治八年己巳 十三

不服則未至太平不能封禪管子言江淮之間一茅三脊以為藉足封禪之禮物也若宗廟之中不用苞茅又何至以無茅而不祭乎夜映餅二枚

二十一日陰晴連日晨霧鈔穀梁三葉閱晉書半卷徐德茂來與錢四百使葬其妻問其情終不肯服晚觀洗馬是夜瑞女免乳寢未酣瑞遂安眠竟夜

二十二日陰晴夜大雨鈔穀梁三葉閱晉書半卷小疾至亥寢食鼠耳糲鼠耳或云水危余家舊采和稷上家時食之

二十三日陰雨疾發體小熱至午方起鄧備歸庀祭器鈔莊子二葉閱晉書半卷道人求鴨不得至申乃得之夜宿外廩宣統元年四月間置於此風雲晴雨顏色與前異土水艾余家舊以清明上家采歸和稷為糲或相贈遺王船山謂之鼠耳云薛卷耳也鼠耳又曰鼠耳與水艾聲相近

然古人未宜采此至弱小之草今仍鄉人名之

二十四日清明節祠祭

三廟禮畢雨儀安昆弟來留宿東齋談至丑正寢子夜飲胡麻漿啗包子三枚

二十五日晴已刻王蔭棠來留飯午初儀安昆弟去還小睡不著賀金灘來午未飯出游八里歸鈔莊子一葉閱晉書半卷

二十六日陰遣丁福往檀江捕役三人來見得陳俊臣程春浦書作書復春浦與李申夫郭筠仙通問鈔莊子一葉閱晉書半卷晉書蕪雜在次序失位如外戚傳全不述外戚事但載后母家人何必別出夜作書與唐義渠

二十七日雨閱晉書半卷午睡一時許得儀安書云獲鄧三即前所縱盜也復書謝之鈔莊子一葉注莊者隋藝文志晉散騎騎侍向秀二十卷湘綺樓日記 同治八年己巳 十四

東晉識郎崔謨注十卷梁著錄隋亡司馬彪二十一卷隋存十六卷郭象三十卷李頤集注三十卷隋存六卷孟氏注十八卷徐邈又集音一卷李軌莊子音一卷又司馬彪注音一卷向郭音各一卷講疏十卷

華論二十五卷音三卷王元古二十卷李充釋論二卷馮廓正義十卷陸德明文句義二十卷楊上善注十卷盧藏用注十二卷道士李含光

成元英注三十卷疏十二卷張游朝南華象罔說十卷孫思邈縱柳尹知章甘暉魏包陳庭玉并亡元載南華通微張九核指要二十三篇今四庫僅存郭注耳夜至亥寢

二十八日雨鈔莊子三葉作序一篇內篇注成閱晉書半卷桓元傳元既受九錫殷仲堪黨新野人庾仄起義兵於襄陽江陵震動桓亮於羅縣起兵以討仄為名自號平南將軍湘州刺史長沙相陶延壽以亮乘亂

起兵遣收之元徒亮於衡陽誅其同謀桓興等及元敗亮自號江州刺史
史侵豫章又自號鎮南將軍湘州刺史元興中衡陽有難難化爲雄八
十日而寇斃具元自號大楚自集至敗八旬也亮與元將苻宏寇安成
廬陵劉敬宣討之走入湘中又與桓振襲破江陵劉懷肅唐興破之亮
宏復出寇湘中害郡守檀祗討宏於湘東斬之郭彌斬亮於益陽諸桓
皆平惠帝張昌作亂江沅遣其將陳良陳蘭張甫等攻湘東長沙零陵
諸郡樹立牧守領南帝校尉劉弘遣司馬陶侃等討平之又杜弢爲醴
陵令在湘中蜀流人奉以爲主南破零陵東侵武昌王敦陶侃等討平
之夜命豐兒鈔莊子牛葉喚蝦仁類過飽

二十九日雨閣晉書牛卷得舊作晉書贊觀之不愜意聽豐兒讀相見禮
大夫士則曰寡君之老取注疏觀之謠落不可讀因爲申其義士當作
仕或作致仕也鈔穀梁二葉至亥寢

湘綺樓日記

同治八年己巳

十五

三十日雨寒得春甫書言申夫竟爲少荃所劫捕其私人矣少荃一至而
報怨猶賢於近世大吏暗擠而外容者夫鈔穀梁三葉是日總閱晉書
檢點所作詩贊成一卷載記一函已失去約略爲作數語

三月癸酉朔寒雨點宋書一卷元嘉元年秋八月甲辰立第七皇弟義季
爲衡陽王八年以王師阮萬齡爲湘州刺史鈔穀梁三葉作春雨詩

後廢帝元徽元年立衡陽王疑子伯玉爲南平王

二日陰雨點宋書一卷元嘉二十九年秋七月壬辰改封第十一子淮陰
王暕爲湘東王宋廢帝年十七多行無道小兒不知人情耳而史臣乃
擬之商村昌邑昌邑猶可村非其比明矣七律始見宋書律志荀勗令
太平令劉秀郎吳依律作大呂笛以示列和吹七律一孔一校聲皆相
應鈔穀梁三葉欲作春秋事比始爲即位表未善夜寐至丑起始解帶
就寢

三日陰晴點宋書一卷鈔穀梁三葉皆夜補作其日騎出從夏家灣王宅
至紅彎賀宅過市竝水行五六里至南頭坳更下行里許渡水還
四日晴煖點宋書一卷鈔穀梁三葉璠女請登前山坐林中食頃乃歸薄
暮子重弟來叔父有書夜至亥寢

五日陰暄點宋書一卷舊說三月上也宜云上也九千則有上中下蓋以古
有事惟筮日枝如上丁上辛上戊之類也案宋書禮志引舊說後漢郭
虞以三月上辰產二女上已產一女明是日幹非用枝也上已說始轉

詩云鄭國之俗亦無確據然不肯已已異字明當作上已矣孝建元年
六月湘東國刺稱譏太妃忌日禮云云夜鈔穀梁三葉至子寢

六日陰點宋書一卷魏明帝奏章斌之樂奏云文武爲斌則斌字起於漢
末文武爲斌蓋馬頭人爲長之類也午間常笛漁來申去又遣子重弟
至查泥塘夜鈔穀梁三葉

湘綺樓日記

同治八年己巳

十六

七日晴風點宋書一卷至山移紅羅閣二本黃杜鵑一本歸鈔穀梁三葉
作登山詩是日與蔣緹論其母家事不合膠緹以爲我累之也余不能
惜世人至使妻有儲胥之憎誠有過矣然緹處家庭而不能使余受
屋烏之愛獨奈之何哉夜大雨

八日大雨午後晴鈔穀梁三葉點宋書一卷沈約作符瑞志文意深曲有
良史之風而今人多訾之凡古人始創一事必有意義如史記封禪書

班古今人表范皇后紀宋符瑞志唐世系表趙宋道學傳皆深妙之旨
也若五代史名目較異則吾不知矣宋孝武大明八年六月甲子白鹿
見衡陽郡湘州刺史江夏王世子伯禽以獻又作公羊戰泓解十鈔三
都賦畢夜至亥寢

九日晴穀雨鈔穀梁三葉點宋書一卷吳孫權時長沙東部郵得寶鼎論
請禮樂征伐自諸侯出云十世五世三世馬注云自隱至昭十世云云

非也十室謂天子自憲至定十世也五世謂伯主自晉平至出公五世也三世則謂三桓下云政逮四世而子孫微是也陪臣執國命惟有魯耳陽虎先世子不見於左氏何云三世執命乎又陪臣執命勢不可終

日日尺出試馬街脫而歸有數人來言牛醫竊盜事縱之去十日晴辰刻賀王一團總又捉一狗盜至云當送官余意不然因往告儀安騎而去始聞布穀投其至談至子宿其客舍夜大雨

十一日雨留常宅早游潭印閣摘青梅飯罷家信至言盜至竊金玉玩器去知在內為軌也因遣在和縱昨盜還夜談至亥宿常宅

十二日陰雨常宅早飯畢騎而行二十餘里至龍骨塘常吉人家留食粥大雨與談異夢平旦時夢騎至一市鎮有數僧人扣馬相問因下至一宅見湘潭郭四坐案邊陳設賭具將攤錢者見余至恐余入局余去出與數人坐談舉一事令余作聯語四句醒忘其一文字不可解其出語

湘綺樓日記 同治八年己巳 十七

云靈菊兩開□□對云母雞一去始覺街寬甚以為工切未知何取也午後歸以十子欺罔逐令去

曾祖妣生辰設薦畢遣人追十子治盜金器事待至四更遣六雲就膠緹

癡 十三日晴王葆澄來十子自言鍾弟遺盜諸物欲往貴州軍中鍾抵關曲

誘不吐實午後睡久乃起並逐鍾令去夜至亥寢

十四日晴再誘鍾令實言其色愈慘惡杖之數十因悲哭甚哀飯後十鍾

並下之點宋書半卷五行下四年四月湘東鄱黑石下至亥寢

十五日雨晴點宋書半卷沈書州郡志用司馬續志太原地志王隱晉書

永初郡國何承天志徐志相校於僑立最詳僑立郡縣所以息土著客

民之爭也土斷所以隱播客民之賦役也古人處之有精心而今廣東土客案歷歲不定由未知僑郡之法耳是日在和歸鍾復游詞作書來

封呈叔父並勸囚之鈔穀梁三葉

十六日至六月十八日

六月十九日晴熱鈔穀梁三葉襄公成為諸兒倍書各百葉點魏書一卷

夜聽兒女講酒話

二十日晴中伏鈔穀梁三葉補作魏書贊數首聽講仔材又倍離騷三四

過屈子之逃仙游真有陵到景暉浮雲之概史公贊其爭光日月知言

也夜呼六雲出看月納涼

二十一日晴申後陰鈔穀梁三葉作魏書贊聽講召詰問無非澶淵之會

晉趙武楚屈建之力也此會屈建不會而云云者何功對曰屈建為宋

之會趙武為此會以俱在宋故終言之非女倍六朝賦數篇夜眠庭中

風涼遂寐經時許起食粥一孟即寢

二十二日晴鈔穀梁三葉聽講洛話夜至子寢

湘綺樓日記 同治八年己巳 十八

二十三日晴早陰欲雨未成點魏書一卷為非女點史記見武王言未定

天保事乃悟頑民即王所云名民也此篇開卷即見而說經者不知引

用知看書與讀書功力不同如此人不可不熟讀羣書也孫淵如博引

史籍以說書而舍此不取尤為疏矣余非與非女講授亦不明也為之

甚喜鈔穀梁三葉夜聽講多士未終已倦睡矣夢至一官署入空屋三

重房室甚麗無人承候余乃厲聲呼僕從俄焉右扉啓一婦人迎余視

其頭被冠較者泥塑蓮巾也余將解衣此婦來近意甚狎余性之心念

此洪秋帆明府為余供帳招侍侍余耳未及問而寤蓋入古廟也是日

涼適

二十四日晴有風點魏書半卷鈔穀梁三葉功兒大射篇生答種數十終

不能熟聽講母佚

二十五日晴點魏書半卷鈔穀梁三葉論五伯者荀子王霸篇云齊桓晉

文楚莊吳園越句踐趙岐注孟子無吳越而有宋襄秦穆杜預注左傳云夏昆吾商大彭豳韋頤師古注漢書諸侯王表用荀子說而改閭閻爲夫差去句踐入秦穆余以公羊定之蓋齊桓晉文宋襄楚莊吳夫差也傳文各有齟齬故知其審然古稱五伯始於左氏齊齊姬人左氏好改易人詞語未必媚人時已數桓文爲五也三王者三統之王五伯者五行之伯本不必數人以當之聽講君爽陸德明經典釋文釋樂記封黃帝之後於廟云黃帝姬姓疑召公是其後春秋得似燕爲周之介子蓋疏族耳夜至亥寢

二十六日點魏書一卷晴熱夜涼鈔穀梁三葉聽講多方命兒女作頑民說以屬未成亥初寢

二十七日陰涼出放馬鄰女出嫁遣非女觀貧家物力之難也鈔穀梁一葉倦甚睡少時起鈔二葉魏書未點夜聽講多方亥正寢涼

湘綺樓日記 同治八年己巳 十九

二十八日陰涼鈔穀梁三葉點魏書一卷儒林傳云學制悉日直監廚刀冲雖有僕隸身自炊爨今朋館日供其由久矣夜罷講戌初寢

二十九日晴涼風爲兒女倍禮記至玉藻乃得士相見禮非以君命使則不稱寡大夫士則曰寡君之老三句之誼解說於篇首鈔穀梁三葉作書與春甫响雲俊臣張東丈各送物事遣在利入城夜聽講願命爲非

功政論成眠至寅初就寢微雨

三十日雨涼是日庚午立秋又末伏日也辰初起攜官女看牽牛花葉密僅見三朶點魏書一卷與膠緹及諸女後池看雨鈔穀梁二葉晚命兒女作平苗策罷講

七月辛未朔陰雨點魏書一卷鈔穀梁二葉以紙盡故不滿程也聽講費誓及呂刑半篇至亥寢點書朱盡且止

二日晴陰錄贈中夫詩改定四句末二句云新人顯達故人隱去日恩息

來日同自謂如李東川浣水二句也又因長沙清明游湘西寺而誤記十日賽城隍亦長沙之事縉杜集求之乃江寧事耳杜送許八拾遺歸江寧省觀中云賜書誇父老壽酒樂城隍陰即閩里之謂不知何人改作此二句以爲城隍神而余又誤記以爲長沙城隍也所謂杜十姨矣持詩與膠緹觀之膠緹午睡未便驚之乃與非女讀之閱宋史一卷太祖紀趙敬夜呼開清流關匡允曰父子固親啓閔王事也詰旦乃得入杜太后喪九日而釋服建隆三年十二月甲辰衡州刺史張文表叛明年慕容延昭討之三月王中湖南平得州十四賜南唐建隆四年歷而其事實夜蠶多罷講

三日晴卯起鈔書至午得十二葉昭公畢穀梁成訂七本計自入承上凡鈔易書春秋周官幾十餘萬文矣今將專意撰述且以此付非女也閱湘綺樓日記 同治八年己巳 二十

宋書一卷真宗始求隱逸之士而賢相繼踵若李沆張齊賢寇準王旦呂蒙正呂蒙正字聖公汝州人皆非一太朝所有其孝敬慈儉之美不一末年惑於天書亦以澶淵破膽而歸功福祐耳人主崇信符瑞但不害治亦非大過乃後人深譏之史臣乃又曲爲之說以遠人好神宋臣欲以誇之則陋儒之言其謬甚矣仁宗以天書殉父非所宜殉又贊爲賢豈虛仁宗讀其父書而亦好天書邪仁宗時韓范用事朝廷議論始興邊事大棘洞裕亦熾觀其措置未爲賢君論者揚頑而抑恆殊不知其所由也作宋史贊四觀功兒平苗策頗有文理聽講呂刑今爾罔不由慰曰動爾罔或戒不動戒不動者有戒是欲人不戒不動也僞孔傳云女罔徒念戒而不動既念戒矣自當曰勤其說非也因讀勤爲謹以戒在民言君人者無有徒戒飭民以法而不瘥憂之也亥初在利歸得响雲春甫俊臣黃叔琳周南坡李桂林兄書

四日晴熱閩宋史一卷神宗之立載恩幸節冗費市馬務農慨然有平治之想專任安石亦其美德安石負之耳神宗非閩主也點魏書一卷高句麗人頭著折風其形如弁旁插鳥羽貴賤有差蓋今涼帽花翎之制百濟王餘慶魏延興二年上表文辭甚美疑非其國所有勿吉國鹽生樹上今長白山在其國南是滿洲之地而其俗與今絕殊波斯王即位之後密書其子賢者之名封之於庫王死發書視名立之此世宗立嗣之法未知爲見史而效之爲暗與之合也聽講文侯命秦誓二篇續離騷

五日晴熱閩宋史一卷點魏書一卷夜講詩序非女引史記爲詰其有證據比夜皆至子正始眠卯正起

六日晴熱閩宋史一卷未瞭宋史本紀蕪蕪閣略意欲改爲之未暇也點魏書半卷聽講堯典半篇

湘綺樓日記

同治八年己巳

二十一

七日晴熱閩宋史一卷點魏書半卷又一卷夜雲陰不見天漢初月甚明鄭緹作餅令六雲作熱歌遂待之至丑始寢

八日晴熱甚點魏書一卷未正大兩旋止聽講堯典亥初重閱宋史一卷宋代時以從子續緒者英孝理度四君以弟及者太微二主傳子之法不爲典要矣而明代獨以大禮起大爭何哉

九日陰晴點魏書半卷閩宋書二卷帝紀畢魏天賜二年諸州刺史置三人一宗室二異姓此元之所本亦滿漢並用之始又尙書尙左亦外國之制比日功兒寫包非女作均未講書戊正癸酉初大雨至夜仍作十日陰不涼點魏書半卷又一卷凡九十二日二十六本百卅卷始畢閱宋史律歷志二卷功兒講堯典

十一日陰晴熱卯起作書與彌之俊臣春甫若愚妹夫陳芳晚黃叔琳唐魏晨劉竹汀午睡二刻夜出田隴上看月風來甚熱講詩皋陶讓半篇

亥初寢

十二日晴熱閩宋書律數志宋歷十六改而不能合太祖時王處訥造者曰應天太宗時吳昭素獻者爲乾元皆御序真宗時史序等編爲儀天鄭昭晏議其失真宗時又用張奎造新者曰崇天晏殊序英宗時周琮改者曰明天王珪序神宗時熙寧有奉元哲宗元祐有觀天崇寧有紀元皆官歷紹興時常州布衣陳得一造曰統元孫近序光州士人劉孝榮作七曜細行歷孝宗賜名乾道李繼宗造者曰淳熙紹熙中黃艾造者曰會元慶元中楊忠輔造統天理宗時曾造開熙又改會天度宗時用臧元震言造成天馮夢得序德祐在海上尙造本天歷宋人皆以劉義安爲知律義安之言謂歷不必求合則歷可不修何爲乎其知之邪權度量衡用和峴歷爲尺劉承珪始制法馬等子各縣三黍以星準之鍾重六分盤重五分爲一錢半之稱仁宗著樂隨新經以西域聲音

湘綺樓日記

同治八年己巳

二十二

合樂丁度以古錢較尺寸定尺十五種一周尺二晉田文玉尺三梁表尺四漢官尺五魏尺六晉後尺七魏前尺八中尺九後尺十東魏後尺十一蔡邕銅倫尺十二宋氏尺十三太府尺十四劉曜土圭尺十五梁俗尺其後房庶爲漢志脫文之說范鎮主之後胡鍾蔡元定程迥歐陽之秀李如鏡皆論樂律呂然莫能明也鈔左傳半葉夜齋宿十三日陰嘗祭三廟卯起兀飭未時行禮五刻畢始嘗新稻宋分天下一二三路京東東路京東西路京西南路京西北路河北東路河北西路永興路秦鳳路河東路淮南東路淮南西路兩浙路江南東路江南西路荆湖南路荆湖北路成都路潼州路梓州路夔州路蜀州路福建路廣南東路廣南西路後又置京畿路宣和四年金分與以燕山路山前七州曰涿檀平易營順薊又有景州契丹置也平易營三州契丹所自取也雲中路曰

山後九州武應廟新穀儒媿合雲州爲九也於禹貢無冀雍之地是日觀宋史地理志河渠志二卷亥寢夢左王寢問余八社余應對以五方之社及太王毫三社爲八五方無中社中即太也古今亦無八社之名妄問安對疑別有應八者王寢父景番丈之弟行社者士示景丈其不久矣

十四日晴熱甚閱宋書禮志二卷因觀其合祭天地之義遂閱文獻通考見蘇軾請合祭而劉安世駁之或以告軾曰劉待制議若上恐必不合矣時軾爲門下侍郎遂令罷議安世議竟不上議禮爭勝其可笑如此天地合祭禮之大惟方澤爲祭地與圓丘配則恐不然郊社相配經有其證方澤爲地一見周官自是別禮非社祭也郊社並以配園方則無所配明二丘之非郊社矣後有王者郊祭天而社祭地罷二丘之祀可也宋王以餘并二郊者別立二丘之祀而不入郊社之中亦可也通

湘綺樓日記 同治八年己巳 二十三

而一之其礙多矣至後人疑夏至不可服大裘不此寒也大裘但三微月唯可也則未知大裘之名冬夏可通如今言袍有貂有沙而以兒戲之言爲合祭之正是烏足據乎武南北二郊不合祭亦不在二郊也

十五日陰晴甚鈔左傳一葉點齊書一卷得常耕臣書及采訪簿旋作書復之去得春甫書及新刻桂陽州志樣式尙可用當定艾梓人刊之夜令三兒各倍詞賦一篇至亥寢

十六日丙戌處暑陰晴鈔左傳一葉閱宋史禮志二卷點齊書一卷明帝建武二年改封廣漢王子峻爲衡陽王立三年永恭元年春詠之及湘東王子建四月己未立武陵王子坦爲衡陽王和帝二年誅湘東王寶暉夜獨坐至亥微雨間作

十七日陰晴鈔左傳一葉點齊書一本州郡志衡陽郡湘西衡山湘東

郡湘西安陸山 百官志衛尉條下云諸樓本施鼓持夜者以應更唱太祖以鼓多驚眠改以鐵警此今更點之始也宋太宗制立夏日祀南嶽衡山於衡州大中祥符加帝號奏嘉安之樂曰作鎮炎夏奮茲靈光敷與萬物既阜既昌爰刻溫玉式薦徽章昭緞神意福熙積紹興祀用成之樂曰神曰司天居南之衡位焉則帝予以奠方南訛秩事望禮有常庶幾嘉虞介福無疆夜講禹貢宋英宗御容赴景靈宮奉安導引曲云鼎湖龍去仙仗隔蓬萊輦路已蒼苔漢家原廟臨清渭還泣玉衣來鳳簫鸞扇更表回帳殿倚雲開春風不向天袍動空繞翠輿回樂志所載歌曲四言則陳腐無生色曲子則以經語入俳優皆無足采此篇結二句可謂情文相副也是日得儀安書張東文書全明府廷珍書儀安送鷄一雙

湘綺樓日記 同治八年己巳 二十四

十八日晴鈔左傳一葉閱宋史二卷點齊書一卷太祖庶兄衡陽元王道度王敬則封重安子本五呂安國封鍾武男此地蕭齊書抑揚側伏有良史之識惜筆弱不足振之今燕沒與晉宋諸史等列耳有暇亦欲刪削之令兩兒過鄰家飲夜聽講禹貢甘誓至亥寢

十九日陰早過六雲眠遂起時方卯初也閱宋史選舉志昏倦睡片時起點齊書一卷游後圃見豆花欲作詞不成夜至亥寢

二十日陰涼補作魏書贊四篇鈔左傳半葉點齊書半卷白桃一實熟墮甘香似奉宸苑銀桃家人分食之閱宋史職官志半卷出壓馬行二里無平地馳騁掉鞅而還功兒講湯誓

二十一日陰晴點齊書半卷閱宋史一卷楊億論員外置官之弊及州郡之制其文甚切宋制以不滿三百戶爲下縣案南齊書顧憲之云山陰戶二萬貫不滿三千者殆將居半是古制以較較戶也因命功兒作唐虞以來戶口考淳熙六年十一月臣寮奏湖南一路唯衡永等數郡宜